



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

4. In Congregatione Generali &c. Decretum quo sententia seu Decretum à
Consilio Brabantiae emanatum, ut Libertatis, Immunitatis, ac Jurisdictionis
Ecclesiasticæ manifestè læsivum damnatur, ac nullum & ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

etiam de longinquo devitetur: infimul tamen Operariorum Evangelicorum in Vineâ Domini strenue, ac sedulè laborantium, qui priusquam supra relata Dubia ex solità hujus S. Sedis providentiâ, ac recititudine dirimerentur, aliter fenserunt, honori, ac famæ consulatur, nec tamquam Idololatricæ Fautores traducantur; præsertim quia pleraque ex illis, quæ Christianis permittendâ non esse, sicut præmittitur, responsum fuit, ipsi quoque se nunquam reverâ permisisse declararunt, nec dubitandum sit illos, finitâ jam causâ, præfatæ Sanctæ Sedis mandatis eâ, quâ decet, humilitate, & obedientiâ esse obsecuturos.

IV.

Fer. 5. die 20. Novembris 1704.

IN Congregatione Generali Sanctæ Romanæ, & universalis Inquisitionis habita in Palatio Apostolico Quirinali coram Sanctissimo D. N. D. Clemente divina Providentiâ Papa XI. ac Eminentissimis, & Reverendissimis DD. S. R. E. Cardinalibus in totâ Republica Christiana contra hæreticam pravitatem Generalibus Inquisitoribus à Sede Apostolica specialiter deputatis.

Sanctitas Sua, postquam in pluribus Congregationibus coram se habitis, ab ipso Pontificatus sui primordio, super præmissis Questis, seu Dubiis Theologorum, ac Qualificatorum ad id à sanctæ memoriæ Innocentio XII. Deputatorum sententias exceperat: postquam itidem pluries de iis egerat cum DD. Episcopis Beritensi, & Rosaliensi Vicariis Apostolicis in Regno Sinarum, Romæ nunc commemorantibus ac postquam demum quicquid in ejusmodi controversiis Patres Franciscus Noel, & Gaspar Castner Societatis Jesu Procuratores, & Missionarii Apostolici ejusdem Regni deducere poterunt, seu voluerunt, audierat: Responsta supradicta, quæ in aliis præcedentibus Congregationibus similiter coram Sanctitate Sua habitis, diu, multumque discussa, ac maturè examinata fuerant, confirmavit, & approbavit, illaque Domino Carolo Thomæ de Tournon Patriarchæ Antiocheno Commissario, & Visitatori Apostolico in præfato Sinarum, & aliis Indiarum Orientalium Regnis transmitti mandavit, una cum congrua, & opportuna Instructione desuper faciendâ, ad hoc ut tam ipse, quam reliqui Archiepiscopi, Episcopi, seu alii, qui in illis partibus Visitatoris, Delegati, seu Vicarii Apost. munus exercent, vel in posterum exercebunt, Responsta hujusmodi ab omnibus, & singulis nunc, & pro tempore ibidem existentibus Missionariis cujuscunque Ordinis, Religionis, & Instituti, etiam Soc. Jesu, nec non ab universis Christianidelibus earundem partium sub penis canonicis ea, quæ decet, obedientiâ observari curent, & faciant; suspensa tamen interea, justis, & rationalibus ex eundem animam Sanctitatis Suae moventibus, eorundem Responsorum publicatione, seu quavis evulgatione tam in Urbe, quam in aliis Europæ partibus. In contrariam facientibus non obstantibus quibuscunque.

Joseph Bartolus Sanctæ Romanæ, & Universalis Inquisitionis Notarius.

DECRETUM.

Quo Sententia, seu Decretum à Consilio Brabantie emanatum, ut Libertatis, Immunitatis, ac Jurisdictionis Ecclesiasticæ manifestè læsum, damnatur, ac nullum, & irritum declaratur, cum aliis Ordinationibus.

Feria V. die 29. Martii 1708.

IN Congregatione Generali Sanctæ Romanæ, & Universalis Inquisitionis habita in Palatio Apostolico apud Sanctum Petrum coram Sanctissimo D. N. D. Clemente Divinâ Providentiâ Papa XI. ac Eminentissimis, & Reverendissimis Dominis S. R. E. Cardinalibus in totâ Republica Christiana contra hæreticam pravitatem Generalibus Inquisitoribus à Sanctâ Sede Apostolicâ specialiter deputatis.

Cum ad aures Sanctissimi D. N. Clementis Papæ XI. pervenerit à Consilio Brabantie emanasse quendam Sententiam, seu Decretum, quo non solum Archiepiscopo Mechliniensi præcipitur, ut quasdam suas monitoriales literas ad Guilielmum Vandeneffe Deservitorem Ecclesiæ Parochialis Sanctæ Catharinæ pro rebus ad Fidem spectantibus transmissas, casset, & annullet, verum etiam omnibus, tam Ecclesiasticis, quam Secularibus personis injungitur, ut censuris in prædictis literis monitorialibus appositis, & comminationis nullatenus obediant, easdemque nullius efficacitæ reputent sub iisdem penis, quibus Perturbatores publicæ quietis obnoxii reperiuntur, nec non multa alia continentur Libertati, Immunitati, ac Jurisdictioni Ecclesiasticæ notoriè adversantia, ut in eadem Sententiâ uberius legitur, eandemque Sententiam publicis in locis affixam fuisse non sine maximo Christianidelium scandalo, ac perturbatione. Cumque summopere sit alienum à ratione, & a pietate, & Religione Catholicorum Hominum Ecclesiasticos Judices in sua jurisdictione, ac multò magis in rebus, & causis ad Catholicam Fidem pertinentibus, quoquomodo impedire, vel perturbare, quin potius ipsis cum eorum auxilium fuerit invocatum assistere teneantur; Præfatus Sanctissimus D. N., ne rem tam perniciosi exempli dissimulare videatur, firmis ante omnia remanentibus præfatis Archiepiscopi Melchliniensis literis monitorialibus, Decretum, seu Sententiam prædictam à Concilio Brabantie emanatam, cujus tenorem, non quidem approbandi, sed penitus, & omninò reprobandi animo, hic pro inserto voluit sufficienter haberi, & pro specificè declarato, habita super ea cum Venerabilibus Fratibus Sanctæ Romanæ Ecclesiæ Cardinalibus in totâ Republica Christianâ Generalibus Inquisitoribus deliberatione maturâ, & de eorum Fratrum consilio præfatam Sententiam cum omnibus, & singulis eam præcedentibus, & quomodolibet consequentibus, licet ipso jure nulla, irrita, inania, viribusque, & effectu penitus, & omninò vacua ab ipso initio fuerint, & sint, nihilominus ad abundantiorum cautelam, & quatenus opus sit, auctoritate Apostolicâ damnat, improbat, cassat, irritat, & nullius roboris, & momenti fuisse, & esse decernit, & declarat, ac pro insertis haberi vult.

Mandat insuper Sanctitas Sua quibuscunque Personis cujuslibet gradus, ordinis, præeminentiæ, vel dignitatis, etiam speciali, vel specialissima nota dignis, ne præfato Decreto, seu Sententiâ, vel eam quoquomodo præcedentibus, aut consequentibus ullo pacto obediant, aut deferant, vel illa in judicio, aut extra allegare, seu iis uti præsumant, perinde, ac si illa non emanassent, sub

penis

1708.

pœnis, & censuris contra Violantes Ecclesiasticam libertatem, immunitatem, & jurisdictionem inflicti, à quibus à nemine, nisi à Romano Pontifice, præterquam in mortis articulo, beneficium absolutionis obtinere valeant.

Postremò prædicto Barbantiæ Consilio Sanctitatis Sua mandat, & præcipit, ut prædictum Decretum, seu Sententiam cum omnibus eam præcedentibus, & quomodolibet subsequentibus ex libris, codicibus, & registis, in quibus descripta, & adnotata fuerint, tolli, aboleri, & cassari faciat cum effectu, ne alias contra eos Consiliarios, aliosque quotquot præfatæ Sententiæ cooperati sunt, aut quomodolibet consenserunt, pœnis, & censuris prædictis ea de causâ jam irretitos ad alia majora remedia procedere compellatur.

Præterea, ut à nemine ullo unquam tempore ignorantia hujus Decreti allegari possit, Sanctitas Sua vult, & intendit, quod affixum in locis solitis hujus Almæ Urbis omnes, & singulos, quos illud concernit perindè ardet, & afficiat, ac si unicuique eorum fuisset nominatim, & personaliter intimatum. Præcepit tandem sub pœnâ excommunicationis ipso facto incurrendæ, ne quis hujus Decreti paginam infringere, vel ei aulicæ temerario audeat contraire.

Joseph Bartolus S. Romanæ, & Universalis Inquisitionis Not.

Die 10. Aprilis 1708. *supradictum Decretum affixum, & publicatum fuit ad valvas Basilicæ Principis Apostolorum, Palatii S. Officij, ac in aliis locis solitis, & consuetis Urbis per me Franciscum Perinum Sanctissimæ Inquisitionis Cursorem.*

D E C R E T U M.

V.

Quo Institutiones Theologicæ Gasparis Juvenin damnantur, earumque retentio, & lectio sub gravibus pœnis interdicitur.

Feria 3. die 25. Septembris 1708.

Sacra Congregatio Eminentissimorum, & Reverendissimorum Dominorum S.R.E. Cardinalium in totâ Republicâ Christianâ Generalium Inquisitorum habita in conventu Sanctæ Mariæ super Minervam, auditâ relatione, & censurâ factâ à Qualificatoribus Theologis ad id specialiter deputatis Operis in septem Tomos distributi sub titulo: *Institutiones Theologicæ ad usum Seminariorum. Autore Gaspare Juvenin Oratorij Gallicani Presbytero, & in Seminario Eminentissimi Cardinalis de Noailles Archiepiscopi Parisiensis Sacræ Theologicæ Professore. Parisiis, & Venetiis 1704. & 1705.* Præfatum opus de mandato Sanctissimi D.N. Clementis Papæ XI., cui relata fuerunt cum prædictâ Theologorum censurâ eorumdem Eminentissimorum vota, præsentî Decreto prohibet, & damnat, vetatque, ne quis cujuscumque sit status, & conditionis ullo modo, & sub quocumque prætextu iterum imprimere, neque imprimi facere, neque jam impressum, tam ex prædictis, quàm ex quacumque alia editione apud se retinere, aut legere audeat: Sed ipsum Ordinariis locorum, aut hæreticæ pravitatis Inquisitoribus statim, & cum effectu tradere, & consignare teneatur, sub pœnis in Indice Librorum prohibitorum contentis.

Joseph Bartolus S. Romanæ, & Universalis Inquisitionis Not.

Bullarium Romanum Continuatio Pars II.

1710.

Die 9. Octobris 1708. *supradictum Decretum affixum, & publicatum fuit ad valvas Basilicæ Principis Apostolorum, Palatii S. Officij, ac in aliis locis solitis, & consuetis Urbis per me Franciscum Perinum Sanctissimæ Inquisitionis Cursorem.*

E D I C T U M.

Quo quibuscunque Personis sub excommunicationis lætæ Sententiæ, & aliis gravissimis pœnis interdicitur, ne quempiam, cui Secretum S. Officij commissum est, ad illud ullo modo violandum adducere, vel etiam requirere audeant.

VI.

LA Santità di Nostro Signore PP. Clemente XI., che in mezzo all'immenso cure del suo Pontificato rivolge i più ferij pensieri al mantenimento della S. Fede Cattolica, maturamente considerando quanto à ciò conferisca, & abbia conferito fin hora il segreto del S. Offizio, che nelle cause, tanto immediatamente, quanto mediatamente dipendenti dalla medesima, s'è inviolabilmente osservato da tutti quelli, à i quali è stato confidato, per maggiormente assicurarlo dalle insidie d'alcuni, che non avendolo legittimamente, ricorrono all'artificio, & all'inganno, per venire in cognizione delle materie, che ad esso appartengono: ed insinuandosi con le persone che l'hanno, procurano con fallaci, suggestive interrogazioni di sorprendere, & d'indurle à manifestarlo, sottraendo anche dagl'occhi delle medesime le più gelose scritture, le quali leggano, ritengano, copiano, & poi comunicano ad altri. Uditi sopra di ciò gl'Eminentissimi Signori Cardinali Generali Inquisitori, ordina con il presente Editto, il quale affisso ne i luoghi soliti di Roma, vuole, che abbia l'istessa forza, come se fusse à ciascuno personalmente intimato, à tutte, & singole persone legittimamente non ammesse al sopradetto segreto del S. Offizio di qualsivoglia grado, & condizione, benchè degne di specialissima menzione, che non ardischino in avvenire di ricercare, & sotto qualunque pretesto, & colore investigare le notizie comprese sotto l'istesso segreto, procurare, leggere, retinere, & comunicare ad altri scritture, manuscritti, & altre materie ad esso appartenenti, ed in qualsivoglia maniera sorprendere, ed indurre à rivelarlo le persone, nella fedè delle quali è stato degnamente depositato sotto pena à i Contraventori della Scommunica maggiore di lata Sentenza da incorrersi ipso facto senza alcuna precedente dichiarazione, dalla quale non possino essere assoluti, se non nel solo articolo della morte, che dalla Santità Sua, & dagl'altri Sommi Pontefici suoi Successori, sospendendo, & levando sopra di ciò tutta la facoltà alla Sagra Penitenziaria, & all'istesso Eminentissimo Cardinale Sommo Penitenziere, & sotto pene anche corporali gravi, & gravissime ad arbitrio della Santità Sua, da estendersi sino alla Galera, secondo le circostanze delle trasgressioni, & le qualità delle Persone, che averanno trasgredito. Dato dal Palazzo del S. Offizio questo adi 24. Gennaio 1710.

Joseph Bartolus S. Romanæ, & Universalis Inquisitionis Notarius

Die 24. Januarii 1710. *supradictum Edictum affixum, & publicatum fuit ad valvas Basilicæ Principis Apostolorum, Palatii S. Officij, ac in aliis locis solitis, & consuetis Urbis per me Franciscum Perinum Sanctissimæ Inquisitionis Cursorem.*

L I

D E.